

光緒撫寧縣志

撫甯縣志卷二

古蹟

附邱墓

昔人往矣陳迹依然曾幾何時頓成今古誰能遣此
無限滄桑此邦孤竹遺封盧龍舊部唐初析而五年
旋合金末置而百里方分論謂爲榆關竟混榆林
之榆塞洋水實爲陽水堪尋陽樂之陽河免耳山前
村名舊縣馬頭崖下鎮是新安卽茲虎踞雄邊幸山
河之未改已似鶴歸華表歎城郭之都非此弔古者
不禁低徊考古者所當辨證者也至若牛眠卜吉馬
鬣崇封苟非功德之在人焉得采樵之有禁禁市弔

望諸之墓夫豈徒然長安拜董相之墳良有以也故
佳城有託地美原以人傳而沒世無稱生榮須防沒
已志古蹟及邱墓

長城世謂秦始皇使蒙恬所築起臨洮至遼東延袤萬餘
里然考諸史自燕至隋多有築者今山海關之長城乃
明中山王徐達所修非古長城也康熙七年發帑金委
官重修

驪城縣漢置畿輔通志云在樂亭縣西案此應據歐陽忞
地輿廣記指遼之石城縣今開平鎮爲驪城也然漢書
石北平郡驪城下云大碣石山在縣西南今樂亭西南

無碣石遺跡而世所指天橋柱爲碣石者則在今昌黎

城西北恰是今撫甯之西南是驪城廢縣於撫甯爲近

陽樂縣秦置漢晉因之魏書陽樂下有林榆山林榆疑卽

臨渝章懷太子云陽樂在今平州東魏氏土地記海陽

縣西南有陽樂城疑有誤或曰陽樂在今大甯廢衛境

後魏遷治於此亦屬遼西郡東魏省入海陽縣

明蕭瑄
鳳城隍

廟碑云撫甯舊有土城二在陽河東二里許名陽樂城

洪武十一年邑侯婁大方居西土城因避兵於兔耳山

陽奏請依山爲縣治永樂三年設撫甯衛居東土城周

良臣撫甯衛記云衛去縣十餘里成化初遷縣於本城

東北隅而衛縣合據此是縣初居西土城後移兔耳山

陽衛居東土城後又移縣於東土城之東北今縣治正

是東土城地是以西門外尙有西土城舊基舊志云陽

樂城在西關外或卽以此其去陽河不及二里者以康

熙甲子乾隆丁卯河身兩次東徙也茅元儀云撫甯衛在縣西十里十字當是一字之誤邑人王立柱記

洋河城在縣東南十五里方六里舊云唐置基址尙存或云隋之瀘河鎮也案唐書地理志平州北平郡有黃花紫蒙白狼昌黎狹石綠疇等十二戍今土人呼此爲皇古城蓋黃花之訛轉也城東南東北西北有三將臺又北三里有黃花港俗謂太宗征高麗時築西北角有泉一勺附會爲白袍井考太宗東征班師十月丙辰次淪關戊午次漢武臺刻石銘功駐蹕一宿必無築城之事當以黃花戍爲是

山西城在縣西南五十里周二里故今猶存亦云唐太宗

征遼所築案此疑卽昌黎戌今在高家莊後西塋爲沙河嘴壤

榆關在縣東二十里舊志云下有渝河通海歷代恃爲關隘明太祖時中山王徐達以其地非四塞移關於山海此關遂廢爲鎮一說榆關舊有山榆數千章枝柯膠結如城壁故曰榆關至明季李闖東竄始焚燒殆盡其說殊不足據

榆關考

邑人王立柱

前漢地理志遼西郡臨渝縣下渝水首受白狼水東入塞外同郡交黎縣下渝水首受塞外南入海應邵曰交

黎今昌黎案兩漢時臨渝之與昌黎南北分界臨渝當

渝水上流昌黎當其下流也漢之右北平遼西二郡北

界甚遠通典薊州北至廢長城塞二百三十五里今據

方輿紀要京東考古錄諸書如柳城平剛等故城皆在

明大甯廢衛今土默特蒙古境內故其分界如此顧亭

林曰昌黎有五獨漢之昌黎在渝水下流而當海口是

也水經注白狼水又東北出東流分爲二水右水卽

渝水也西南循山逕一故城西世以爲河連城是臨渝

縣之故城渝水南流東屈與一水會世名之曰櫓倫水

通鑑櫓盧城下註引此明一統志渝河在撫甯縣東二

十里南流至連峯山入於海案河連檣倫檣盧皆一音
之轉今撫甯縣榆關鎮西門外有水南流東屈與深河
堡流來之一水會又南流至聯峯山西而南入於海與
漢志水經注明一統志皆吻合則河連城爲臨渝故城
亦卽今之榆關鎮矣 北史隋開皇二年五月己未高
寶甯寇平州突厥入長城又突厥傳沙鉢畧舅而得衆
隋文帝受禪待之甚薄會營州刺史高寶甯作亂沙鉢
畧與之合軍攻陷臨渝鎮通鑑陳宣帝十四年卽隋開
皇二年十二月突厥沙鉢畧迴兵出塞開皇三年春三
月癸亥城榆關詳此諸文自是開皇二年五月臨渝鎮

被突厥攻陷其年十二月突厥出塞因被焚毀至次年

三月乃修復之耳胡牄明禹貢錐指曰晉省臨渝入肥

如

案晉時臨渝半入肥如半入陽樂如林榆山覆舟山

如魏書地形志係於陽樂縣下而通鑑言渝關北有覆舟山遼志言臨渝山高千餘仞下臨渝河明一統志言

臨渝山在撫甯縣境則知臨渝之東半省入陽樂胡氏

但言其隋省肥如入新昌又改新昌曰盧龍竊意臨渝

大較耳雖屢經省併而其故城尙在突厥所攻陷之臨渝鎮正

其地也案南北朝兵爭之時由今永平界內出入塞之

路有二西曰蠕蠕塞中曰盧龍塞東則臨渝爲孔道是

以開皇末城榆關之時臨渝之名屢見於史

如北燕太平六年河

間人褚匡請燕於遼西臨渝邊海造船出通章武郡又

燕王從兄買從弟賄自長樂帥五千餘戶浮海入遼西

臨渝至和龍 既城榆關之後但言榆關而臨渝之名史不復

見隋書漢王諒伐高麗軍出臨渝關至柳城唐書太宗

並集柳城東南丙辰皇太子迎謁於臨渝關案燕王從

兄弟欲至和龍必道由臨渝漢王諒欲至柳城必先出

榆關而唐太宗自柳城還亦必入臨渝關夫柳城和龍

本爲一地遼史漢柳城縣地慕容號改爲龍城縣遷都

之號日和龍宮煬帝改爲柳城郡可証然則可知河連

則臨渝之與臨渝關亦不得不爲一地矣 五代史

城臨渝縣臨渝鎮之與臨渝關俱非二地矣 五代史

幽州北七百里有渝關東臨海 今榆關鎮海自北有免

耳山 今免耳在縣西十二里 覆舟山 與魏志陽樂

北有路狹僅通車 此指今山海關築城之處 其傍地可耕種通鑑幽

州北七百里有渝關下有渝水通海 此指今臨撫分界之戴家河其水自

榆關鎮西門外而南入於海

自關東北循海有道道狹處纔數尺旁

皆亂山高嶺不可越宋許亢宗奉使行程錄自營州

與

表遼之營州廣寧縣卽今昌黎許錄又云州之北有大山數十其來甚遠高下皆石不產草木特立州後今昌黎縣倚山爲城

正與許所言合

六十里至渝關

今昌黎縣至渝關正六十里

自渝關

四十里至潤州

金史地理志北京路瑞州有海陽縣遼

軍則統海濱縣錢曉濈曰當從金志則軍名與縣名相符案此卽今臨渝縣之海陽鎮也又北番地理書潤州在盧龍塞東北西至渝關四十里南至海

三十里今榆關鎮至海陽鎮正四十里

自潤州八十

里至遷州

遷州卽今之山海關下文明之北番地理書

南至海二十里案遷州旣西至潤州四十里西至潤州四十里渝關又四十里則榆關與遷州相距正八十里與今里數合五十里確是八十里之譌字然仍與許書不合者許又云彼中行程並無里埃但以行轍一日卽記爲里

數是日行無慮百餘里金人居常行馬率皆奔轍此日
自早飯罷行至順方到案海陽至山海關並無如此之
遠蓋由海陽鎮而北行即可入山金人故導之回屈以
張大其疆域仍宋史所載契丹導劉敞之故智而許未
之覺耳
自遷州九十里至習州習州卽隰州金史地理志
有海濱縣屬瑞州遼隰州
平海軍故縣也而遼志則作海陽縣與潤州之海濱縣
互調當從金史亦錢曉徵云又李兆洛云海濱縣在今
甯遠州界內案許所行之路與今出山海關之路合而隋唐

之路則不如此蓋其時建都關內茲地爲險遠之區東

有高麗

北史高麗之境
西度遼二千里

北有契丹惟營州柳城一郡孤

懸渝關之外其地近北而不近東

通典營州北至契丹
界五十里西北至契

丹界七十里東北至契丹界九十
里其地爲今蒙古界具見前文

雖曾被陷沒而還置

如故至今山海關外不遑卽爲高麗之境

雖李勣平高
麗後置安東

上都護府然旋置旋廢而又爲渤海國所據具見唐書是以其時皆取道於榆關

以北出長城而趨營州不由山海關而東也至遼起上

京在黑龍江北

金起白都訥

在黑龍江南

而渝關之地自入契丹

以後爲腹裏地故址漸湮

許錄又云渝關並無堡障但存遺址居民數家

是以

許雖至渝關仍折而東行由遷州今山海關以前驚耳

明史洪武十四年春正月辛亥大將軍徐達發燕山等

衛屯兵萬五千一百人修永平界嶺等三十二關明一

統志渝關在撫甯東二十里隋開皇間漢王諒將兵伐

高麗出臨渝關卽此明商輅顯功廟記中山武甯王早

以雄才大畧首從太祖高皇帝平定天下已而率師漠

北收其餘民比還留鎮於燕以平灤渝關土地曠衍無

險可據去東八十里得古遷安鎮

即遷民鎮筆誤

其地大山北

峙巨海南浸高嶺東環石河西繞形勢險要遂築城移

關置衛守之更名曰山海關明一統志山海關在撫甯

縣東其北爲山其南爲海相距不數里許本朝魏國公

徐達移渝關於此改今名臨渝縣志洪武十四年創建

山海關內設山海衛領十千戶所

此引嘉靖乙未山海志文與明史顯功廟

記俱

案遷民鎮爲遼之遷民縣

遼地理志遷州統縣一曰遷民縣遼聖宗置金

史州廢爲鎮屬瑞州元因之

至元明而爲重鎮元致和元年秋七月

丁酉發兵守遷民鎮庚戌發平灤民墾遷民鎮以禦遼

東軍九月甲子上都諸王也先帖木兒平章禿滿迭兒以遼東兵入遷民鎮明洪武十三年元兵入桃林口寇永平千戶王輅追至遷民鎮擒完者不花自十四年中山王移關之後終明之世史但言山海關遷民鎮之名不復見於史郭造卿曰山海關卽故元遷民鎮其言信而有據矣方輿紀要云通典通釋並云渝關在平州盧龍縣東百八十里今縣東二十里之渝關乃其驛遞之所因榆關舊名耳明初修復故關增置屯戍其於金元時之榆關仍置郵驛今山海關蓋漢唐之舊址非明朝創建也案渝關自是榆關遷民鎮自是山海關古籍

所畜聚無牽混顧氏以渝關移入山海關不過因通典
言渝關距盧龍縣之里數適與今山海關距盧龍之里
數相合耳豈知唐之盧龍非卽今之盧龍縣乎案水經
注元水又西南逕孤竹城北西入濡水又曰祠在山上
城在山側肥如縣南十二里水之會也史記正義引括
地志云孤竹城在盧龍縣南十二里肥如縣唐武德
二年更名盧龍今
清聖廟在山上與水經注合乃在盧龍西北二十里則
知唐之盧龍治在今盧龍城之西北三十二里與通典
距渝關之里數亦約畧相符一統志榆關在撫甯縣東
二十里又東二十里有榆關馬驛撫甯舊志云榆關馬

驛在縣東四十里驛丞解廢是關自關而驛自驛亦不得指關爲驛也

又榆關存疑云光緒丙子今 邑侯張公有續修縣志

之舉囑作榆關考柱掇拾故紙舉其所知疑誤頗多未敢自信及觀同時作此考者所論多與相左益復不能無疑因條列於左以待博雅者定正焉原云榆關關也非邊也邊則秦始皇使蒙恬所築南竟海史記具有明文按史記匈奴傳秦滅六國始皇帝使蒙恬將十萬之衆悉收河南地因河爲塞築四十四縣城臨河徙適戍以充之而通直道自九原至雲陽因邊山險澁谿谷可

繕者治之起臨洮至遼東萬餘里並無南竟海之明文
張守節正義引括地志云秦隴西郡臨洮縣卽今岷州
城本秦長城首起岷州西十二里延袤萬餘里東入遼
水亦無南竟海之明文又司馬貞史記索隱引太康地
志云樂浪遂城縣有碣石長城所起又通鑑注引杜佑
曰碣石山在漢樂浪郡遂城縣秦長城起於此山今驗
長城東截遼水而入高麗遺址猶存又引杜佑曰高麗
自東晉以後居平壤城卽漢樂浪郡王險城 國朝李
兆洛輿地韻編云東漢幽州樂浪郡遂城縣在今朝鮮
平安道平壤府南歷考諸書秦之長城東至與今之山

海關相距不下二三千裡茲似謂今山海關南竟海之
長城爲蒙恬所築不知所據史記果係何本 又云漢
王諒所出之榆關卽今山海關指明一統志以今縣東
二十里之榆關當之爲誤案明一統志榆關下云在撫
甯縣東二十里隋開皇時漢王諒將兵伐高麗出臨榆
關卽此山海關下云在撫甯縣東其北爲山其南爲海
相距不數里許本朝魏國公徐達移榆關於此改今名
案志成於天順五年經始於永樂中年據臨榆縣志創
建山海關在洪武十四年相距甚近且一代官書詎容
草草吾人生於其後五百餘年何所據而知其誤乎

又云移關之事明史紀傳無明文案明史洪武十四年

春正月辛亥大將軍徐達發燕山等衛屯兵萬五千一

百人修永平界嶺等三十二關移關之事當在斯時明

商輅顯功廟記中山武甯王早以雄才大畧首從太祖

高皇帝舉義平定天下已而率師漠北收其餘民比還

留鎮於燕以平灤榆關土地曠衍無險可據去東八十

里得古遷安鎮

卽遷民鎮筆誤

其地大山北峙巨海南浸高嶺

東環石河西繞形勢險要遂築城移關置衛守之更名

曰山海關全文具見畿輔通志臨榆縣志從來史家紀

傳不過舉其大端金石之文可以廣異聞補史闕況商

輅爲一代鉅公不應不諳本朝掌故安得因紀傳不載而疑而擯之乎且永平志載

聖祖仁皇帝雜著云山海關澄海樓舊所謂關城堡也直峙海
澣城根皆以鐵釜爲基過其下者覆釜厯厯在目不知
其幾千萬也京口之鐵甕城徒虛語耳考之志冊僅載
關城爲明洪武年所建而基址未詳築於何時然則徐
武甯之移關已久經

聖人論定如所云云則不獨商輅之文不足憑卽

御製之文亦不足據矣至謂臨渝宮斷倚渝關爲屏蔽而不築
於廢縣一說案隋書地理志北平郡盧龍下云有臨渝

宮有碣石遼西郡柳城下云有渝水白狼水案渝關以
渝水得名故通鑑云渝關下有渝水通海而隋志渝水
之與臨渝宮分繫於二郡二縣之下已可證渝關之與
臨渝宮相距甚遠矣至唐書盧龍下無臨渝官則或以
異代之官無容瑣舉或修志之時官已不存俱未可知
又唐志盧龍之外又有石城而隋志無之石城下注云
本臨渝謂唐割盧龍之地置臨渝也武德七年省謂省
臨渝入盧龍也貞觀七年復置謂復置臨渝也萬歲通
天二年更名謂更臨渝之名爲石城也遼史地理志石
城下云唐貞觀中於此置臨渝縣萬歲通天二年改石

城縣可與唐書互證注又云有臨渝關有大海關有碣石山有溫昌鎮歷舉知名之地而獨不及臨渝官蓋其官自在盧龍與此臨渝及臨渝更名之石城無涉也是以北史煬帝大業十年春正月議伐高麗三月壬子行幸涿郡癸亥次臨渝官夏四月甲午車駕次北平八月己巳班師據此煬帝自涿郡而來先次臨渝官隔三十日而始次北平則官在北平郡之西渝關在北平之東尤似兩無干涉其餘可疑者尙多以已詳見考中不復贅

業榆關有三史記楚世家惠王十三年三晉伐楚敗我大梁榆關注此榆關當在大梁之西隋書文帝紀開皇

三年城榆關四年以賀英子幹爲榆關總管王海泰有
榆中關榆塞名隋之所城疑卽秦之舊關隋志榆林郡
全河縣開皇初置榆關總管五代史引此作開皇三年
是修關置官俱一年事唐書地理志勝州榆林縣東有
榆關貞觀十三年置文獻通考榆林在禹貢屬雍州秦
漢屬雲州唐爲勝州屬關內道據此則唐之榆關亦卽
秦隋之榆關其口城曰置者雖或不無變易要皆不離
乎榆林之地隋書列傳賀婁子幹時鎮涼州方議隴石
河西屯田事故命爲榆關總管非此臨榆關也舊志引
之甚誤臨榆關在營平之間古所謂臨榆之險也字原
作渝以渝水得名與榆林之關異史家傳寫混淆自唐
已然一書之中彼此互見至遼史則全書作榆矣杜佑
通典渝關在平州盧龍縣東一百八十里計其道里似
卽今之山海關其在今撫甯縣東二十里者乃驛遞之
所取榆關爲名耳顧景范洪稚存諸人皆從其說然考
宋著作郎許亢宗奉使行程錄云離營州東行六十里
至渝關並無堡障但存遺趾有居民三數家登高四望
東自碣石西徹五臺幽州之地沃野千里北限大山重
巒中有五關居庸可以行大車通轉餉松亭金坡古北
口止逼人馬不可行車外有十八路盡免徑鳥道止能

通人不可行馬山南五穀百果良材美木無所不有出
關未數十里則山童水竭瘠鹵彌望黃茅白草莫知其
極蓋天設此以限南北也據此則渝關居五關之一過
此以東別無關隘營州今昌黎縣計其相距里數恰是
今撫甯城東二十里之渝關當時無堡
障而尚有遺趾今併遺趾不可尋矣
唐駱賓王送鄧少府入遼共賦俠客遠從戎詩云邊烽
警榆關俠客度桑乾柳葉開銀鏑桃花照玉鞍滿月臨
弓影連星入劍端不學

燕丹客空歌易水寒

唐高適燕歌行云漢家烟塵在東北漢將辭家破殘賊
男兒本自重橫行天子非常賜顏色縱金伐鼓下榆關
旌旆逶迤颯石間校尉羽書飛瀚海單于獵火照狼山
山川蕭條極邊土胡騎憑陵雜風雨戰士軍前半死生
美人帳下猶歌舞大漠窮秋塞草腓孤城落日鬬兵稀
身當思過常輕敵力盡關山未解圍鐵衣遠戍辛勤久
玉筋應啼別離後少婦城南欲斷腸征人薊北空回首
邊庭飄飄那可度絕域蒼茫無所有殺氣三時作陣雲
寒聲一夜傳刁斗相看白刃血紛紛死節從來豈顧
勳君不見沙場征戰苦至今猶憶李將軍

唐盧綸邊庭怨詩云替衣昨夜到榆關故國烟花想已
殘小婦不知歸未得朝朝應上望夫山盧龍塞外草
初肥燕乳平蕪曉不飛鄉國近
來音信斷至今猶自著寒衣

唐溫庭筠傷溫德彝詩云昔年戎虜犯榆關一破

龍城匹馬還侯印不聞封李廣他人邱隴似天山

唐薛能送友人出塞詩云榆關不可到何況出榆關春
草臨歧斷邊樓帶日閑人歸穹帳外馬發廢營間此地

秋堪想霜

前作意還

明陳綰榆關詩云漢塞秦關控海隅長城千里爲防胡
月明滿地無傳箭靜聽軍中夜博盧榆關東去是營

州門外車輪似水流夜半邊

城吹數粟向人不起望鄉愁

明馮惟訥出榆關逢徵兵使人作詩云聞道雲中將先
秋戒鐵衣虎符千里至龍騎五營歸夜月明雕戟山風

曳畫旗誰憐瀚海

外駐金微

明范志完春日渡榆關聞遠鐘并聞海潮詩云榆關西
去渡危橋溪水涓涓月半霄彈指三生俱夢幻鐘聲遙

帶五

更朝

明督師孫承宗渝關以兵赭地之毛予下令種柳資軍
需也再來而柳始花詩云十萬營成萬仞山大濤環薄
玉爲灣不知官柳栽多少初見輕花落研岡山巒水
渚柳依依憶得來時雨雪霏一到臨榆入百日倚關重
見絮花飛不嚮春風舞絳紗綰愁牽緒滿天涯十年
手植初成陣細柳營中學六花倚樓長笛月明中入
破偏隨宛轉風搖落不堪

愁裏聽滿城甲馬又西東

又已已嘉平廿四日榆關同諸文武祝萬壽詩云問夜
何其夜未央起來炮火著衣裳天威咫尺遠顧建職業
尋常入手忙帝語忠勤慚匪懈官家明聖咏

無疆時艱正倚股肱力可有虞廷一字良

國朝澤州陳廷敬古榆關詩云白草黃雲出亂山渝河

東下古榆關沙場多少征夫恨行到長城慘客顏

盧龍張琴宿榆關詩云辭家將百里薄暮抵榆關倦客
纔停轡蒼烟已沒山夜寒聞漏永夢短對燈圓欲問連

營處雞鳴

又路間

無錫王模榆關詩云絕壁開天險千尋控塞垣荒沙寒
白骨新鬼嘯黃昏水急蛟龍怒山深虎豹屯當年百戰
地遺恨
至今存

大同山石城俗呼西老城周三里東西二里內有天井地
井天井雖旱不竭旁鐫太平年造天井六字大如拳地
井則有時涸其中屋址尙存案太平乃遼聖宗年號

羊頭山石城周一里西門一在五各莊東與大同城對峙
城外有澗極窄而深或云二城蓋趙各莊孫氏所築孫
氏爲金源著姓

見駕坡在榆關西三里唐太宗貞觀十九年征高麗班師
太子迎謁於臨渝關卽此

飲馬河在縣西北相傳陽樂家飲馬處今統名洋河

棲霞澗在縣西南十二里石橋跨之傍有寺相傳爲唐尉遲敬德建澗石上馬形似金知縣張公毓中題曰金馬遺蹤

文峰塔在紫荊山頂距縣三里許道光丙申六月十四日大雨塔仆聲聞如雷

東甯橋在縣東三里河改从圯光緒二年古碑出見字多剝蝕年代莫辨

王臺在峪門口南山口對五王山山上將臺猶存下有十八眼小井口皆西側水亦西流俗名扳倒井雖大旱不

涸村民淘之以致雨

花城在龍門山北距縣二十里孤峯聳立懸崖下花木豐茂泉石清奇雉堞迴環約寬十丈餘昔人傳爲花城不知築自何年

隱几石在梁家灣東峪距縣八十里入峪行數里有名香山者石上鐫隱几二字孤竹李逢時同閩中郭造卿題又題香山紀壽四大字下注云萬厯庚辰十月朔日少保戚公初度之辰爲東征至臺頭閩中郭造卿稱觴因游擊李逢時當此而品山川可與少保爭奇少保當與山川敵壽也

附

陽樂侯墓在縣南五里墓有五六塚東西石井入其下莫測相傳爲隧道侯姓氏年代無考今村以是名

金平州廣甯縣勅賜進義校尉孫貞墓在東趙各莊東南爲洋河所齧康熙時遷葬於西莊東北半里華表尙存上刻大定十四年歲次甲午六月二十四日戊午建立明誥封明威將軍僉指揮使事高德墓在香營嶺路東無碑其孫世襲明威將軍高俊碑尙存

明勅授文林郎撫甯縣知縣婁大方墓在張各莊南半里有康熙二十四年碑

明誥封昭勇將軍撫甯衛指揮使陳斌墓在鐸山之陽

明故昭勇將軍撫甯衛指揮使陳公墓誌銘云正統壬戌三月五日昭勇將軍撫甯衛指揮使致仕陳公以疾卒于正寢其子指揮使王卜是年是月十有一日葬於蘆峯山之原遣介持狀乞余銘於墓按狀公諱斌字得春世爲山後錦川州感化里人高曾以上譜牒散佚莫能悉祖考諱義有善譽韜晦不仕祖妣張氏賢淑爲宗族所稱考諱敬文能騎射多材略丁元季弗克見用國朝初歸附隸戎籍妣張氏尤飭婦行相夫教子咸盡其道敬文既老俾公承其役洪武戊寅卽建文帝元年繇什伍長以靖難功授燕山右護衛中所百戶尋敘本衛指揮事再遷懷遠將軍燕山左衛指揮同知永樂間屢從上征遼北阿魯台隨戰隨捷陞昭勇將軍本衛指揮使祖父兩世得贈如公官妣皆淑人仁宗卽位以公勲舊老臣命以本秩掌撫甯衛事公性質剛毅智勇絕人尤恭儉仁恕善於撫馭有能不矜值危急未嘗怯避所至部伍士卒無不得其懽心宣德己酉以筋力疲憊弗仕乞閒朝廷許其請遂以子王襲職優游家居天相吉福康甯無恙者踰十三年至是考終常誨其子曰吾以

一介武夫生際聖明幸獲微勞致通顯敬懼之心罔敢
或怠汝宜體此心始終勉於忠孝上無負天子下無忝
厥位可也玉佩服訓言德聞藉甚公生於元至正丙午
正月一日得壽七十有七配二張氏先卒無出封淑人
繼張氏子男三長卽玉娶吳氏次銘娶方氏次延娶王
氏女一日惠雲適木衛千戶李茂孫男五曰恂曰愷曰
泰曰恬曰祥皆未娶孫女三日惠甯惠清惠惠俱在室
姪男一日貴娶郭氏從孫男二曰晟曰暹皆幼嗚呼公
以雄偉之資忠實之行爲國爪牙不惟能推恩榮及祖
祠而復生有令器克繼前烈矧夫似續方來又有不可
得而量者可謂光前而裕後矣宜爲銘銘曰列星之精
名山之靈爲時之英爲國之楨厥績用成厥躬斯榮繁
祉具并考終遐齡爰作碑銘表諸佳城惟簪纓子孫
繩繩正統八年癸亥十月賜進士及第翰林院編修承
事郎秀水

選議文

明邑人瞿鵬過蘆峯將軍墓詩云不見將軍兩歲奇偶
經荒塚重淒其可憐芳草萋萋迷處猶記高堂燕樂時
勛業穹碑應不泯寵恩冥漠已無知多情最是風林鳥
永夜哀鳴未忍離

明指揮同知趙銘墓在紫荆山西有嘉慶九年碑

明四川撫標右營游擊鍾聲墓獨石參將指揮僉事鍾傑墓在東山無碑有上馬石二由鍾家莊故宅移此

明誥封奉直大夫山東按察司僉事魯鐸墓在縣西七里鐸山之陽有石坊碑刻墓誌

明勅封給事中王枕墓在縣西子中憲大夫陝西按察司參議印祥墓在蘇官營

明孝子楊珍墓在石河莊外無碑廬址亦湮有小塔高三四尺圍合抱相傳孝子用米泔和沙土堆成

明邑人翟鵬題楊孝子行云古人讀書爲明倫今日讀書祇榮身吾黨明倫有孝子却乃不是讀書人眼底紛

紛金紫貴氣，燄薰天真，可畏問之僉謂讀書人。明倫孝著如君，未噫昔讀書我少年，哀哀曾誦蓼莪篇。親恩罔極，渾無報一度逢君，一報然萊衣不見人，聞外至孝那復爲君偶芳名，應向竹帛垂萬載，昭昭常不朽。嗚呼秉彝好德人，皆有仰君何啻如仰斗。

又楊珍廬墓三年不歸，詩以嘉之。云：瘞玉空山，歲月深結廬相守，到於今一身未忍離親側。三載尤難盡子心，寂寂荒邱秋色晚，森森喬木晝陰沈。頻將卮酒臨風酌，腸斷啼鳥急暮音。

明孝行儒官楊有成墓在三里莊中間路北與其父墓並灰頂有碑

明都督蕭陞墓在東關路北有石坊諭祭葬無墓碑

明兵部尚書翟鵬墓在南關路東有石坊未立隆慶時諭

祭葬

諭祭文云維隆慶二年歲次戊辰八月戊寅朔越十五日壬辰皇帝遣直隸永平府知府劉祥諭祭原任兵部尚書兼都察院右副都御史翟鵬曰惟卿志欲有爲才能應變歷官中外屢著忠勲迨遷秩於兵曹式督師於重鎮籌邊匪懈綽有任職之風科虜少疎竟罹失事之罰心則罔愧功亦相當爰奉遺恩用復官而賜祭庶令有位咸感德以畏威
惟爾明靈尙其歆服
論葬文云維隆慶二年歲次戊辰八月戊寅朔越十五日壬辰皇帝遣直隸永平府知府劉祥諭葬原任兵部尚書兼都察院右副都御史翟鵬曰惟爾甲科名士疆圉長才歷官有年持已無譏謀偶疏於偵虜罰遂蹈於從戎情有可原過不相揜特頒卹典用慰爾靈尙克歆承永光泉壤

明勅封都督僉事昭毅將軍保定遊擊李天培墓在小西門外半里路南有順治七年碑

明誥封榮祿大夫遼東招練總兵官黃惟正墓在西門外

路北有論祭石坊崇禎十五年碑墓前龍松同治壬申

爲風雨所拔知縣福曜飭栽小松蔭之

邑人吳兆鼐弔黃將軍墓詩云榆柳森森古渡東一杯黃土蓋英雄銜鋒曾作孤城障陷陣猶傳百戰功塋草到今憑牧馬家山何處付歸鴻可憐歲歲清明節杯酒無人奠晚風

明魯山縣知縣楊忠愍公呈芳墓在縣北二十五里郭家營

楊忠愍墓誌云余初與仲周弟同受業於胞叔王峰夫子仲周公元孫也風雨切劇之暇聯牀共語嘗語及公忠義大節仲周慷慨泣下余亦肅然起敬惜未得涑水紫陽之筆使公與勝朝殉節諸前輩彪炳汗青甲辰春仲周胞弟輔唐奉其考廣施公命持家乘及魯山縣志以公墓誌來請夫誌銘與編簡類耳以吾邑偉人如公縱邑乘缺於闕揚奚不可假此一片石以傳於後世耶爰欣然應之按公諱呈芳字桂林生於明萬曆甲午歲誕時公大父假寐見一羽客古貌蒼髯袒肩托盂入內驚覺則家人報得孫矣公賦質端嚴天性孝友非角時

行無促武口無謔言庭訓句讀儼如宿構年十四公父
春宇公客游遼左病於廣甯旅邸公聞信卽策蹇出關
親詣省視候痊可乃歸越歲丁內艱臥苦枕塊哀毀骨
立服闋應童子試三戰冠軍踰年食餼崇禎戊辰膺拔
貢生公年已三十有五矣壬申歲春宇公捐館時公大
父壽踰八旬展轉牀蓐公侍祖疾營父喪哀容瘵色殊
難言狀越二歲大父亦歿喪葬盡禮承重服閱選授河
南汝州晉山縣知縣時流寇倡獮下車之日城圯垣頽
郭環茂草卽糾合紳衿黎庶陶磚砌堞斬木建樓練鄉
勇嚴斥堠火器櫓牌無不次第修舉魯山居民賴以安
枕寇蹤所至勦捕官兵往往尾後擄掠一時之民不畏
寇而畏兵有孔監軍者爲害尤甚公廉得其情一以法
制彼方神消氣沮浼守巡兩道諂懇求釋一時遠邇傳
播咸服其勇然公懷外之暇猶勤內治建尊經閣於孔
聖宮修春秋樓於關帝廟築袁紫芝琴臺表姑嫂石故
址儲粟課士煮米活民真心實政俱載於魯山縣志柰
明祚愈衰賊勢愈熾自大司馬楊嗣昌荆襄疏防李自
成潰圍而出中州一塊土卒反將叛非復懷宗有矣公
誓死報國遂盡節以殉撫按交章題恤詒贈汝州知州
蔭一子入監旨下之日京師亦遂失守至順治乙酉公

二弟呈華四弟呈蔚率家僕扶柩旋里歸葬門人私謚忠愍噫天生偉人而乃使之身遭喪亂若此何數之奇也然惡知公之從容赴義非正天之報公以不朽乎蔡中郎爲碑銘最夥惟於郭有道碑謂無愧色吾於公之墓誌亦云當之無愧乾隆壬午科舉人吏部候選知縣原任保定府唐縣訓導河間府交河縣教諭楊大翰撰文

明光祿寺良醞署署丞金鏞墓在縣南二十里八條龍溝內有成化二十年誥命碑

明右軍都督府經歷司經歷姚政墓在縣南二十五里樊葛莊南有宣德四年誥命碑

宣德十年九月初六日勅直隸太平府知府姚政云朕嗣承祖宗之大位惟天下之民皆祖宗之所付托驛用夙夜懷保爲心而保民之方在擇守令比歲守令多不得人或恣肆貪婪剝削無厭或關茸庸懦坐視民患今

頃簡爾等付以郡寄夫方千里之民安否皆係於爾宜
體朕心以保民爲務而察其休戚均其徭役興利除害
以順人情毋徒玩愒毋事苟簡毋爲權勢所脇毋爲奸
吏所欺凡公差官員人等有違法害民者爾卽具實奏
聞僚屬之中有才德出衆政事修舉及關茸昏懦之病
不勝其任者爾亦具實奏聞以爲黜陟幽明及爾所行
之政亦宜奉法修理庶

副朕之委任欽哉勅

姚母李太恭人墓表云浙江湖州府姚政葬其母之七
年恐先德淪沒請表勒石以圖不朽按誌太恭人李氏
諱惠秀系出永平府遷安縣洪武間御史大夫文吉之
從孫女戶部員外郎英之從妹處士昌之女生而聰慧
謹言慎行敬守禮度父母鍾愛既笄歸撫甯縣姚斌卽
太守之先大夫也恭人習文工供養事巾饋必精潔蒸
嘗必敬恪奉舅姑禮恭弗怠處妯娌和睦閨門整肅少
長咸宜年二十七先大夫卒恭人撫膺垂絕復蘇襄贊
大事卒合禮儀時政方入歲或以少婦勉之他適恭人
泣且誓曰人之所異於禽獸者以有節義廉耻也婦之
從夫終身不改苟以大沒而異之與禽獸何擇哉毅然
決之惟保育遺孤盡提攜撫愛之事政年十一則曰人

不學不知道既遣入邑庠爲弟子員躬自綜理以紡織
供服食且加以內庭訓迪之嚴由是政得成立中永樂
丁酉科鄉舉明年會試不第甲辰歲授知山西絳州事
政績美異改授司右軍都督府經歷職滿陞行在戶部
郎中宣德己酉天子賜恩榮及厥親贈父奉直大夫都
督府經歷封母太宜人鄉邦嗟嘆以李氏爲有子矣邑
人以恭人貞節實行聞於朝詔旌表其門曰貞節之門
政由郎中陞知直隸太平府事迎恭人就養嘗戒政曰
居官務廉節恤民盡父母之責汝不廢我言則可爲孝
矣政謹受命不違恭人生男二長曰政卽太守次曰走
兒未冠而卒女一未笄而殤太守娶趙氏生孫女曰悟
明適李太孫男曰謙娶同邑杜氏卒又娶姑蘇孫氏太
守妾孟氏生孫女曰悟真又李氏王氏生孫男曰謙恭
人生於洪武乙卯五月初六日正統乙未五月十八終
於官舍享年六十五政扶櫬合葬於先大夫之封嗚呼
人能洞金石格鬼神者以信義也知信義重則天下之
物不足以搖其心是道也慧男子不逮焉恭人一婦人
不惟知之又能盡之方其初孀年二十七子八歲乃抗
志操節而待豈能必其成立乎亦惟知信義之重也其
子果至顯官官表異之榮可謂克盡婦道母儀矣太守

念罔極。闢幽德可謂克子矣。是宜表而誌之。爲世矚焉。
正統十二年丁卯。山東布政使司右布政致仕吳興黃

文

遷使姚公墓碑銘云。嘗謂前有可稱之美。非後人莫明。
後有可稱之人。非前美何述。求其兼盡者。惟任光州節
判政姚君。讓爲故同宗伯考姚公。立碑塚上。斯爲得矣。
余與節判大選同榜。茲寓京邸。君專使致書。捧公系表。
請墓銘。俱日讓游學時伯考顯盛視之。猶子恆接德音。
今伯已往。顧瞻宰木拱矣。碑碣蔑焉。可作有關於
心願希一言以刻諸石。余浙人。雖未事公。聞譽於父老。
稔矣。按系表公諱政字以德。秩中奉大夫。兩浙都轉運
鹽使司運使世家。永平撫甯縣。洋河社寓樊家莊。曾祖
諱信甫。祖諱永秀。皆有德譽。考諱斌。贈奉直大夫。右軍
都督府經歷。妣李氏。贈宜人。考蚤世。妣年二十七。堅守
貞節。旌表門楣。行實詳載墓表。公生而秀雅。天性穎悟。
孤時方入歲。劬撫育教誨。至十一。有司以俊茂選入邑
庠。克勤於學。年二十四。以麟經中順天府永樂丁酉科。
鄉舉。繼游國學。謁天官。始任知山西絳州事。未幾陞行
在右軍都督府經歷。九載任戶部江西司郎中。宣德十

年初始同朝以賢勞陞外部領勅知直隸太平府奉親
事養於任山盡孝敬閱三載丁艱哀毀切至奉喪旋葬
服闋復部改知浙江湖州府職滿進前秩食祿正三品
歷九載年臻耳順辭官致政時天順四年從始官至此
所至歷有嘉政成化紀元詔陞一級秩從二品蓋錦還
榮順時遂樂未嘗以勢加人鄉黨重之生於洪武二十
七年甲戌十二月十四日終於成化五年正月十五日
高年七十有六以是年二月二十一日葬公先塋娶趙
氏贈淑人生子謙娶杜氏女一適李太繼娶劉氏側室
李氏徵出王氏生子謙娶杜氏生子環後於同邑娶成
氏生子栢尙氏笄年事公二十有八守制逮今三十三
年無子育幼養子文成立娶張氏生子曰壽曰福長孫
曰■俱有室是以■敘抑聞先賢曰慎終追遠君子
篤於親世俗僥瀆雖親遠亦有忘者况同族乎惟伯考
與若考爲再從兄弟不忘德澤惟茲立碑非忠厚之至
然乎公以文章潤身德澤及物顯親揚名以享福壽民
咸知之至如文星已入夜臺英華久封幽隧但見苑邊
高塚對平落日野烟墟畔聯塋依乎疎林荒草文物聲
名奚從考乎因是銘之碑大有關乎世教者焉謹書以
歸俾刻之墓觀者諒焉銘曰世有哲人文物悠全月宮

攀桂天府登進州牧始試賢專繼延列司民部賢勞秩
遷兩治大郡忠愛政宣鹹司掌篆鹽謀充閭盛朝恩
四紀榮妍英名蓋世畫錦輝輝令妻顯並貞母光前子
孫俱慶福壽胥兼理遺造碑玉蘊斯田保年遠禋春草
含烟篤有偉裔行篆末族刻銘昭德天壤
同縣宏治十四年五月黃巖吳嵩撰文

明沔縣知縣王公際明墓在縣東白石舖北山坡距城十

五里有碑

祖世榮墓在邑東南二十五里蒲藍莊

世榮祖大壽遠祖按其世譜云世榮字揚遠滁州人小
字觀音保元順帝乙未至正十五年明太祖起兵滁陽
榮應募從軍十有四年至太祖定都金陵洪武六年時
遠東行省皆平改爲衛所詔以何世隆都督遠東駐定
遠中衛榮從至途陽累功授小旗奏封校尉詢之祖氏
皆云今京師衛遠滁州皆有祖世榮墓代遠年湮不知
孰爲葬處孰
爲虛塚云

國朝

詔贈榮祿大夫四川成都總兵官惠應詔墓子世襲二等
阿達哈哈番山東沂州鎮總兵官惠占春墓在縣東八
里下莊

詔贈武翼都尉陣亡游擊許永忠墓在城南十里第九營
後遷葬於城東八里吳家莊

守護許公墓碑云宇內不朽之事必賴忠義之氣維之
乃可以扶持於不敝載考前史死事諸臣皆賜予祭葬
復禁芻牧樵採昭其忠也撫邑東八里故有許公墓公
諱永忠城南第九營人由武舉歷任都司康熙三十六
年從征噶爾丹戰歿於陣及返葬舊域錄功廕襲無人
而孫公文秀則其甥也曾以嫡親勿從撫養因非許氏
宗支義辭世職復姓歸宗每春秋祭掃必至其墓友秀
子照憚道里間隔乃率仲弟倡義遷葬封樹於此後遺

河水之患文秀之孫廷標乃復再遷卽今之巋然者也
歷年彌久居人無識或於廢墟取土廷標族孫時泰恐
忠魂之不安也義鳴之於官蒙邑侯許公批斷爰勒貞
珉丐余文以紀其事余維公之忠勇可以靖寇上邀
國恩而不能使行路感泣淨覆杯土非有孫公累世之義
護持百餘年勢幾夷爲平地魂兮歸來將復何託耶故
述其始末以告世之景忠慕義者道
光二十二年邑歲貢生樊認撰文

誥封資善大夫工部右侍郎盧登科墓在界嶺口南四里
外西溝菁子峪順治六年立

誥授通議大夫貴州按察使原任江蘇常鎮通海兵備道
王瑞徵墓在泰和寨東南三里

參將董甯川墓在縣東南三十里留守營西

諭祭文云嘉慶六年九月二十九日

帝諭祭陣亡參將董甯川之霽日鞠躬盤瘁臣子之芳踪

卹死報勤國家之盛典爾董甯川賦性忠直爲國而忘身禦敵衝鋒奮勇陣歿朕用悼焉特頒祭葬以慰幽魂嗚呼聿昭不朽之榮庶高匪躬之報爾如有知尙克歆享

誥授中憲大夫鴻臚寺少卿王兆松墓在文几山北距縣二十五里

張孝子起鳳墓在縣東二十二里牛蹄寨西二里許有碑

撫甯縣志卷三

風俗

國風十五未錄燕詩漢郡百三此疆戎素顧氣多剛
勁強似遜乎南方而道悅孔周士俱嚮夫北學其風
俗之澆薄醇厚當何如哉况撫甯爲清聖故墟王畿
近地頑廉懦立師既資百世之興服教畏神民首賴
一人之慶自昔風醇俗美誰云自鄒無譏於今易俗
移風須識變齊有術故上行而下自效本速同郵置
之傳詩陳而風可觀正足備輶軒之采志風俗

士尙實學農勤稼穡人好禮樂

舊志

人性勁悍習尙戎武

地理志

男耕耨土詩書閭閻純厚

風俗歌

人尙義勇節儉務農

一統志

孝弟爲先質實無僞勤於栽植趨於稼穡

風土記

正月旦人家稱壽里巷賀歲

數年前尙早今皆於晡後往來

上元張燈放

烟火戲鞦韆婦女走百病時則有春宴

俗謂會年茶

二十五

日添倉挑水引龍

俗言挑倉龍

啟蟄後農夫于耜舉趾

二月二日挑水引龍十九日賽觀音大士寒食墓祭標楮

俗名墳旗今插者少

清明插柳迎女歸甯

謂之躲清明今不然

三月三日種瓜蒞採桑餉蠶二十八日賽東嶽廟

四月立夏海濱下網取魚初八日浴佛十八日賽碧霞元君二十八日祀藥王月終造齋釐事畢

五月五日貼朱符插艾兒童繫綵絲婦女戴繭虎迎女歸

謂之縣端午今不然西鄉各村賽雹神

六月六日祀蟲王今不祭者多晾衣服十三日祀龍王無廟者

於井泉伏日搗綿花尖登黍

七月七日陳瓜果乞巧偶有行之者登穀中元墓祭新葬者親

友畢集謂之上麻穀僧道做盂蘭會城西關放河燈

八月初鄉塾行釋菜禮略如丁祭儀檢綿花家治紡績中

秋供月偶有行之者戚里餽瓜餅

九月重陽士大夫攜酒登高十七日祀財神

十月一日祭墓焚寒衣下元日祀碧霞元君是月場工畢

酺宴舉傭人遣歸

十一月冬至放學祀先祖

今不祭者多

十二月八日食臘八粥二十三日祀竈

亦有二十四日者

除夕祭

先祖五祀響爆竹燒照新草

冠禮久已不行富家小兒或有結珠帽者貧用氈笠而已

士人採芹稱爲冠巾亦有筮曰延賓就墓祭行之者不

惟三加告廟儀文從略卽雀頂襴衫多有不識矣近日

無貴賤皆戴帽頭制如弁而無綏縫不素積檐綴絲縑

亦一變也

婚禮媒氏通二姓意允婿家以簪珥相遺謂之送指實

即納

采

互索男女庚帖

即問名用婚書者少

富貴人家如有納吉者謂

之下大禮

用綵緞蒸食爐果等物

吉期前數月送娶帖

即請期

皆不

親迎用女客催粧而已拜堂惟男子立不拜合卺同

牢略存古意新婦坐青廬謂之坐福三日廟見拜舅姑

及親族尊長各以儀物答贈謂之拜錢是日女家以蒸

食魚脩相餽謂之賀喜次日具帖召壻謂之迴門

喪禮始死男女躑躅哭盡哀乃小歛設絞衾或用布帛或

用紙訃告親友次日大歛晚具芻靈車馬謂之送行送

成服三日七日領弔不等或家禮遵行或作佛事殷實

者或逢七致祭至五七闕靈擇日殯引通引狀啟靈用

冥器旛幃樓庫多寡視有無既葬反虞安主

不成主者則否三

日復土俗謂圓墳

今以次日

歸釋衰巾繫腰經期而小祥二

十五月而禫庶民輟除服士大夫仍素服終二十七月

案春秋傳踰月外姻至言士而庶人可知今惑於風

水藉爲厭凶竟有久淹親柩幸乾抔土者至以宴客

爲悅親以謀生而儉親殆又甚者矣衣衾棺槨固稱

有無墓碣碑銘尤鮮建豎其其廢弛者墳中誌石也

嘗與都人士講求欲復古道而卒不果焉爲之一嘆

祭禮士夫之家薦新於廟忌辰則素服祭於墓新喪則哭餘則否

士庶人相見凡鄉黨序齒士農工商平居相見謁拜之禮主人敬客則先拜客敬主人則先拜主人歲時宴會施坐之列長者居上致仕官居鄉於宗族及外祖妻家仍序尊卑如家人禮筵宴則設別席不坐於無官者之下若自爲主人則不論民間子孫弟姪甥壻見尊長生徒見其師久別行拜禮近別行揖禮其餘親戚長幼悉依等第行禮

案天揖時揖士揖之說行者多謬甚有尊長之前慢

爲長揖非教之不先而率之不謹哉顧庶人椎魯無
責已竊見觴榘之童苦其束縛詩書之族略其威儀
豈真周禮誤人叔孫卑論遂致喬野風趨歟俗則然
也若久別行拜禮惟僧衆行之儒者幾駭爲迂怪附
志於此欲肄習者知之

物產

神禹定九州之貢青徐與冀兗攸殊地官辨五土之
宜川澤與山林有異地志之必詳物產由來尙矣撫
據山海之奇豈無土物之愛然碣石之玉多青碧山
經半屬虛談幽州之利在魚鹽周禮亦爲鑿論或昔

有而今絕安能索驥於圖如名是而實非未免誤置
爲璞茲卽舊志所載核之今時所生任土作貢勿侈
言東箭南金酌盈劑虛須愛惜穀三畜四志物產

穀屬

黍

稷

稻

梁有赤白粳黃三種

糯

粟

麥

蕎麥

蜀黍

有紅白二種俗名高粱

玉蜀黍

稗

脂麻

蘇子

薏苡

大豆

小豆

綠豆

白豆

豌豆

蓖麻

蔬屬

芹

菘

韭

芥

菠薐菜

蕨

山藥

葛菁

菰

壺盧

萵苣

蘿蔔

蒼蘆

莧

茶

萱

地輦

俗名

土耳菌

壁藍

茄

灰藿

俗名落葵

土芋

俗呼圓山藥

蓴菜

蔥蒜

黃瓜

即胡瓜也俗作王瓜誤王瓜赤色一名赤瓠

梢瓜

南瓜

俗名

倭瓜冬瓜

瓠

絲瓜

芥花

瓠香

椒

秦椒

白

扁豆

豇豆

豈豆

生野田中一名鹿豆

果屬

桃

李

杏

石榴

梨

羌桃

俗名核桃

櫻桃

山楂

俗名

山裏紅栗

棗

榛

柿

蘋婆

花紅

即林檎沙果

櫟

子

羊棗

杜梨

無花果

菴羅果

梨之類

藕

菱菱

芋薺

葡萄

郁李

西瓜

甜瓜

花屬

牡丹 芍藥 海棠 秋海棠 丁香 千葉碧桃

荷花 金邊蓮 養盆中者 葵 菊 迎春 探春 長春

玉簪 月季 夾竹桃 木槿 金銀藤 紫荊 紫

薇 金粟 虞美人 金盞 石竹 鳳仙 玫瑰

金錢花 夜合 雞冠 蝴蝶花 山丹 剪秋羅

六月菊 菊婢 金鈴 鼓子花 蓼 金絲桃 金

雀 繡毬 酴醾 馬蘭 寶馬商也

木屬

松柏 槐 別有龍爪者 椿 桑 榆 楊 柳 柞 櫟

櫟 桐 梓 檜 俗名刺松 榧 俗名音柳 楸

卉屬

艾 芭蕉 老少年 葛 女蘿 洛神珠 俗名紅姑娘 芫

蘭 蘆荻 蒲 有香臭二種 藍 卽靛也 麻 鹽蓬 茅 煙草

蒿

藥屬

沙參 黃精 生地黃 蒼朮 透骨草 柴胡 遠

志 茵陳 車前子 藍寶 地膚子 蒲黃 防風

兔絲子 茜草 芫蔚子 蒼耳 桔槩 苦參

蛇牀子 百合 浮萍草 黃芩 紫草 藥本 旋

覆花 牽牛 蒲公英 扁蓄 豨薟 枸杞 五加

皮 阜莢 桑白皮 銀杏

俗名白果 兔兒酸

禽屬

鵝 雞 鴨 雁 洵河 鸛 黃鳥 雉 鳧 燕

烏 鵲 鳩 布穀 鴛鴦 鴿 鶉 桑扈 北畫

眉

一名灰串

鸚鵡

鸚鵡

一名沙雞

鵲

練雀

瓦雀

鴛鴦

俗名

啄木麻料

紅料

靛雀

鴿

鴛

俗名黃鸝 鴟

俗名貓頭

獸屬

馬 羸 驢 牛 羊 豕 犬 虎 豹 狼 狐

獾 狸

兔

貓

蝟

黃鼬

一名黃鼠狼

水族

鯉 鰱 鮒 鱸 羊魚 鰻 銀魚 石首 鱧 俗名

黑魚 八帶 海胎 鮫 丸子 蝦 蟹 鼈 螺 蛤

蚶 蝦 蟄 青蛙

蟲屬

蠶 蜂 蝶 蟬 蜻 蜓 絡 緯 莎 雞 蟋 蟀 阜

螽 蜘蛛 蛾 蚓 蝙蝠 蠍 蜥 蜴 螢 螳 螂

蜻 螳 螳 蜋 蝦 蟬 蠅 蠅 虎 天 牛 斑 蝥

蛇 牛 蠟 蝥 街 即蝥 蚊 蟲

貨屬

石灰

出馬各莊蘆峯口產者不黏

炭

綿

絲

聚絲多布桑絲少

經緯皆聚絲經桌緯

日鹽

蘇家鉅家河蜜黃蠟

出者

蒲扇

出東王

條石板

石

出黃金山有塘

前事

遷史爲記事之書表分歲月通鑑用編年之體義本春秋此史也非所論於志也而志乘卽於此取則焉夫禮樂征伐固一朝治亂所攸關而水旱兵荒亦一邑安危所由繫民爲邦本而食卽民天金穰木饑漫道祈禳無術妖由人興而福由自造石言星隕當思感召有由此國史所必詳卽邑乘所當載自昔邊陲多事而戰征必記非效顰相斫之書從今災沴全消

而備豫不虞猶當借前車之鑑志前事

金

世宗大定二十九年於新安鎮置撫甯縣

金史地理志案唐書地理志

武德二年析盧龍置撫甯七年省至此復置遂至今不廢

衛紹王大安三年撫甯平瀝皆歸元

金史本紀

至甯元年蒙古兵分三道皇弟合札兒爲左軍遶海而東

掠平瀝遼西諸郡而還

元史本紀

元

世祖中統十九年夏四月壬寅以留守司兼行工部敕自今歲用官車勿賦於民可卽瀋河造之給其糧費五月

庚辰議於平灤州造船發軍民合九千人令特默齊巴延岱領之伐木於山及取於寺觀墳墓官酬其直

元史本紀

二十年春正月庚午以平灤造船去運木所遺民疲於役

徙於陽河造之

元史本紀

成宗大德十一年十一月庚午盧龍灤州遷安昌黎撫甯

等縣水民饑給鈔千錠以振之

元史本紀

順帝至正二十年秋七月乙未平章程思忠叛陷永平路

昌黎縣尹周宏死之詔也先討之復灤州及昌黎撫甯

等縣

府志

明

太祖洪武六年十二月元兵寇撫甯縣及瑞州詔罷瑞州

遷其民於灤州徙撫甯縣治於洋河西

府志

十四年正月辛丑大將軍徐達發燕山等衛屯兵一萬五

千一百修永平界嶺等三十二關

府志 案此與明史本紀合而比較詳

惠帝建文二年夏五月指揮僉事谷祥敗遼東兵於定流

河秋七月又敗之於部落嶺克兔耳山寨

府志

成祖永樂八年四月丁酉撫甯老人張甫通督運至清水

源授本縣縣丞

談遷國權

宣宗宣德三年帝北巡問武免兒山

明史夏原吉傳

英宗正統九年正月辛未命成國公朱勇興安伯徐亨左

都督馬亮陳懷分勦兀良哈時三衛陰寇邊舅同太監
僧保出喜峯口亨同太監曹吉祥出界嶺口亮同太監
劉永誠出劉家口懷同太監但住出古北口各領萬人
期至遼河土河會遼東總兵曹義之師夏四月丙戌增
山海衛戶部主事提督屯糧并巡視永平界嶺口劉家
口喜峰口倉場

國權

十四年七月庚寅召商鹽永平納糧界嶺口劉家口

國權

景帝景泰元年提督京東軍務右僉都御史鄒來學修喜

峰迤東至一片石各關城池

遷安志

三年饑

舊志

憲宗成化七年大饑

舊志

十年九月戊辰亢旱哈犯青山口

國權

孝宗宏治六年四月丁酉以蝗災免遷安撫甯去年田租

國權

武宗正德二年閏正月丁未中旨增補守備內臣命都知

監右少監王鑑徙臺頭營

國權

世宗嘉靖二年八月乙巳朵顏犯界嶺口總兵馬永擊卻

之

國權

四年撫甯大雹如鷲卵殺稼

府志

六年地震

舊志

二十一年霖雨傷禾糴沙屢作蝗蝻遍地是年大饑冬十

月桃李花

舊志

二十七年地震大風拔樹雨雹殺稼是年饑

舊志

三十六年正月甲申閉遷安撫甯昌平礦洞 三月辛巳

蒙古陷桃林營掠遷安永平至雙望堡

國權

三十七年十月壬申土蠻十萬騎薄界嶺口建昌副總兵

馬芳禦卻之分犯黑峪墩把總馮時雍死之明日二百

餘騎還奔界嶺口芳及總兵歐陽安力戰敗之擒斬四

十餘級

國權

三十九年春澇秋旱飛蝗蔽天大饑

舊志

四十年六月不雨蝗蝻隨生食稼殆盡米價昂貴人食草

根樹皮

舊志

四十二年四月初七日霜

舊志

穆宗隆慶元年九月壬申土蠻寇蘭鎮掠昌黎樂亭撫甯

盧龍游騎至於灤河乙亥總兵李世忠東援值土蠻於

撫甯李家莊斬五十級

國權大柳樹

崇府志云撫甯毛家營鳴三日甚夥土蠻自界

嶺入殺撫昌二
縣人十餘萬

二年三月地震四月復震六月飛蝗蔽空十月初三日白

晝星殞有光

舊志

六年七月山海關內戴家河有海牛死浮沙岸高數丈長

十餘丈陽河溢有大樹數百成筏由義院口入過陽河

至劉家寨入海

府志

神宗萬曆八年閏四月癸亥修永平遷安撫甯等城

國志

十四年秋七月二十日大霜大風傷稼

舊志

十六年秋大水

舊志

十七年夏六月二十五日大風傷稼

舊志

三十二年霪雨四十日

舊志

三十四年飛蝗蔽天

舊志

四十四年蝗蝻災

舊志

四十五年旱

舊志

四十六年夏大風霾

舊志

閏四月甲寅朱國弼嗣撫甯侯

國權

熹宗天啟四年春三月地震

舊志

莊烈帝崇禎元年有防兵採薪錦木中有天下太平字

舊志

三年正月甲寅

大清兵入永平庚戌祖大壽遣參將張存仁帥騎兵都司

劉雄帥步兵守樂亭昌黎協將王維城守臺頭營副總

兵何可綱守石門馬明英守燕河關內侯副使王樞署

都督僉事朱梅謀復建昌而建昌守將孫承業等密通

款孫承宗令朱梅檄燕河臺頭兵祖大壽以都司陳可

立等隨往安撫四月甲戌孫承宗令參將王龍汪子爵

持十日糧赴樂亭昌黎游擊傳以昭屯撫甯副總兵劉
應選鍾宇等屯樂亭參將張存仁游擊孫定遠蔡可賢
合大兵圍遼永五月乙酉孫承宗檄總兵馬世龍屯豐
潤總兵朱梅以游擊斬國臣取遷安協將王維城等趨
灤州檄中軍何可綱等分雙望各山牽永平之敵義兵
游擊劉法等合三萬人屯灤州之蓮泊承宗駐撫甯祖
大壽來開平會之國權

四年六月初七日午時天氣清明城西南角樓崩木石如

雨飛去數百里許中梁見存濟南府厯城縣卽落中舊志

七年海溢漂沒沿海居民地生土阜舊志

九年大饑人多餓死食樹皮草子

舊志

十一年九月辛丑

大清兵入中協青山口越遷安南下

國權

十二年二月戊戌

大清師至青山口總兵陳國威於喜峰口同甬兵前營副

總兵崔秉德卻之未出塞三月丙寅

大清師至冷口以備嚴去之復出青山口

國權

十五年夏六月大風拔木飄屋瓦

舊志

冬十一月癸酉

大清師陷遷安三河甲戌屯永平之臺頭

國權

十七年三月丁巳京師陷夏四月撫甯棲霞寺龍潭水變

成血府志

國朝

順治元年秋九月

世祖

入關經永平駐蹕城外文武官朝見如儀賞賚有差撫安

各州縣

府志

七年大水衝龍王廟高出城濠

舊志

十年重陽大雪冬雪月餘民多凍死

舊志

十一年饑

上遣吏部左侍郎佟代大理卿郝傑給銀布賑之

舊志

十五年饑夏五月

上遣刑部尙書白謙啟心郎巴格賑之

舊志

十七年募民實遼撫民應募者甚衆

舊志

康熙元年春三月辛巳風霾壬辰始霽

舊志

四年春三月戊子地震九月庚子雪

舊志

六年夏四月移石獅二鎮洋河水不爲患夏七月夜雨洋

河東徙近城

舊志王運恆曰嘗讀唐書見開元中蒲津

船碎而民不得濟乃授有可以鐵代纆結爲連環復鑄

鐵爲牛伏於兩岸繫繩以厭水物自是橋不復壞桑道

茂居有二柏甚茂茂曰人居木蓄者去之以鐵厭其下

誠發者死後太和中溫造居之發鐵而造死近江水衝

洗浦子口城相傳歸咎於部使者之拆畫牆天津衛少

魚鮮歸咎於水汙之石獅子厭勝之說自古有之今洋

水不溢無漂沒之患後

人慎勿輕爲改易也

康熙十年冬十一月朔嚴寒異常是月

詔免盧龍遼寧撫甯地丁錢糧

府志

十一年旱井澤竭

舊志

十二年夏旱井澤竭秋大雨雹

舊志

十八年夏六月飛蝗自西北來蔽天漫野存十餘日損晚

禾十分之二一去東北出口外一去東南入海念日始

過盡不爲災七月二十八日巳時地震甚三更復震城

垛屋牆間有倒者六十餘日不止廬舍人民幸獲安全

如通州三河平谷涿州武清等處於二十八日巳時地

震屋室傾陷壓死人民無算

舊志

二十三年五月二十三日戌時暴雨竟夕陽河溢城中水

深三尺

舊志

三十年夏蝗

三十八年夏蝗

三十九年秋蝗

四十年秋蝗

四十七年大有年

四十九年五月旱秋大有年穀二三穗至四五穗者甚多

五十五年有年

府志

乾隆三年裁山海衛改設臨榆縣撥歸民地於近縣

八年六月大熱暍死人畜甚衆

九年大水洋河東徙

十三年大水洋河東徙近土城

二十四年三月初七日天雨黃土春旱夏蝗食穀幾盡秋九月二十六日夜大雪冬大寒

二十九年秋有年

三十七年麥大熟

三十八年七月十九日大雨風拔木禾盡偃

五十九年大水

嘉慶六年大水

十六年夏旱穀貴夜徧地起火民相驚

道光元年三月三十日酉時地震六月旱二十七日得雨
七八月瘟疫大行

三年飛蝗西來

四年螭生徧野十月初八日巳時地震

五年五月螭生暍死人

六年夏五月初八日蝗自西北方來傷田苗殆盡六月十
四日大水洋河口東徙

九年二月二十日大寒河復凍二十二日大雪尺餘十一
月十四日先雨後雪

十一年正月二十日大雪尺餘三月初六日亥時地震六
月旱十月初六日大雪十二月十二三日雪深二尺

十二年六月大旱七月初六七日洋河大水損田禾

十三年賑饑

十四年七月二十四日大水

十九年春薪貴秫稻一根一錢

二十年春二月麥價貴三月初四日大風晝晦六月二十
八日大風雨雪洋河溢七月初旬水漲兩次八月二十
五日夜風雹

二十九年三月初五日地震十六日大風六月初十日深

河雷震死人十七日洋河漲三日方落苗偃過半八月初一日留守營雷震死人十二月初四日夜地震初七初八兩日寒

咸豐三年三月初五日夜大雪十六日午後北山冰雹水大溢十一月夜間徧地起火

六年三月二十三日五夜天色紅雨土冬地震

七年蝗傷稼

八年蝻生徧野

十年三月二十五日午後黑風晝晦有揭屋瓦者春旱五月十六日得雨無麥晚禾亦歉收

十一年春夏盜起四鄉團練界嶺口戒嚴

同治元年七八月疫

三年六月旱

七年五月城西李莊雷震死人

十一年秋八月二十三日未刻大雨勝水寺地裂出水南
至馬家峪北至細河莊相距十餘里頃刻水深丈餘漂
去禾稼無算幸水勢不常房屋未損

十二年夏雨多閏六月三十日宣各寨大風拔本

光緒元年夏旱三冬無雪

二年夏旱幸不成災